

den/welches wir begehren daß ihr zu lesen gebet der  
ganken Gesellschaft vnser freunden/ so vnder ewe-  
rem gebieth stehen/ vnd sie versichert daß gleich wie  
wir zuvoren vnseren guten willen vnd zuneigung zu  
ewerem Vatterland gnugsamer massen erwiesen/  
wir hierdurch mehr angetrieben werden vnser gnad  
vnd gunst zu Continuiren / wie einer Fürstin/ so da  
die Tugend vnd danckbarkeit einer solchen werden  
Nation wol erkennē vnd ermesſen kan/ in allweg ge-  
bühren will/vnd bleiben euch mit Königlichē gnadē  
jederzeit gewogen/it.

Elisabeth:

**Eigentliche Erzählung/wels-  
cher gestalt S. Excellenz Graff Mo-  
ris von Nassaw das Spanische Kriegsvolck  
auff der Tielischen heyden bey Turnhout ge-  
schlagen/vnd ein herzlichē Sieg ero-  
bert/Geschehen in dem Jahr  
Anno 1597.**

**I**n dem Winter 1597. vom Decemb. an/hat  
der Fürstliche Cardinal vier Regiment  
Fußvolck bey Turnhout versamlet/vnd er-  
wartet noch 3. andere/sampt der gantzē Reu-  
teren auß dem Land Gellern/hat einen anschlag vnd  
verstand auff Tertolen/vnd erwartet zu dem end die  
gelegēheit des Frosts. Die Regimenten so bey Turn-  
hout in Brabant begraben lagen / waren dise/nem-  
lich/das Regiment des Marggraffen von Cremona/  
Neapoli